



Tadqiqot uz

ЎЗБЕКИСТОНДА ИЛМИЙ-АМАЛИЙ ТАДҚИҚОТЛАР МАВЗУСИДАГИ КОНФЕРЕНЦИЯ МАТЕРИАЛЛАРИ

2020

- » Хуқуқий тадқиқотлар
- » Фалсафа ва ҳаёт соҳасидаги қарашлар
- » Тарих саҳифаларидаги изланишлар
- » Социология ва политологиянинг жамиятимизда тутган ўрни
- » Иқтисодиётда инновацияларнинг тутган ўрни
- » Филология фанларини ривожлантириш йўлидаги тадқиқотлар
- » Педагогика ва психология соҳаларидаги инновациялар
- » Маданият ва санъат соҳаларини ривожланиши
- » Архитектура ва дизайн йўналиши ривожланиши
- » Техника ва технология соҳасидаги инновациялар
- » Физика-математика фанлари ютуқлари
- » Биомедицина ва амалиёт соҳасидаги илмий изланишлар
- » Кимё фанлари ютуқлари
- » Биология ва экология соҳасидаги инновациялар
- » Агропроцессинг ривожланиш йўналишлари
- » Геология-минерология соҳасидаги инновациялар



Crossref



№20

30 сентябрь

conferences.uz

**"ЎЗБЕКИСТОНДА ИЛМИЙ-АМАЛИЙ ТАДҚИҚОТЛАР"
МАВЗУСИДАГИ РЕСПУБЛИКА 20-КЎП ТАРМОҚЛИ
ИЛМИЙ МАСОФАВИЙ ОНЛАЙН КОНФЕРЕНЦИЯ
МАТЕРИАЛЛАРИ
1-ҚИСМ**

**МАТЕРИАЛЫ РЕСПУБЛИКАНСКОЙ
20-МЕЖДИСЦИПЛИНАРНОЙ ДИСТАНЦИОННОЙ
ОНЛАЙН КОНФЕРЕНЦИИ НА ТЕМУ "НАУЧНО-
ПРАКТИЧЕСКИЕ ИССЛЕДОВАНИЯ В УЗБЕКИСТАНЕ"
ЧАСТЬ-1**

**MATERIALS OF THE REPUBLICAN
20-MULTIDISCIPLINARY ONLINE DISTANCE
CONFERENCE ON "SCIENTIFIC AND PRACTICAL
RESEARCH IN UZBEKISTAN"
PART-1**

ТОШКЕНТ-2020



УУК 001 (062)
КБК 72я43

"Ўзбекистонда илмий-амалий тадқиқотлар" [Тошкент; 2020]

"Ўзбекистонда илмий-амалий тадқиқотлар" мавзусидаги республика 20-кўп тармоқли илмий масофавий онлайн конференция материаллари тўплами, 30 сентябрь 2020 йил. - Тошкент: Tadqiqot, 2020. - 16 б.

Ушбу Республика-илмий онлайн конференция 2017-2021 йилларда Ўзбекистон Республикасини ривожлантиришнинг бешта устувор йўналишлари бўйича Ҳаракатлар стратегиясида кўзда тутилган вазифа - илмий изланиш ютуқларини амалиётга жорий этиш йўли билан фан соҳаларини ривожлантиришга бағишланган.

Ушбу Республика илмий конференцияси таълим соҳасида меҳнат қилиб келаётган профессор - ўқитувчи ва талаба-ўқувчилар томонидан тайёрланган илмий тезислар киритилган бўлиб, унда таълим тизимида илғор замонавий ютуқлар, натижалар, муаммолар, ечимини кутаётган вазифалар ва илм-фан тараққиётининг истиқболдаги режалари таҳлил қилинган конференцияси.

Масъул муҳаррир: Файзиев Шохруд Фармонович, ю.ф.д., доцент.

1. Ҳуқуқий тадқиқотлар йўналиши

Профессор в.б., ю.ф.н. Юсувалиева Рахима (Жахон иқтисодиёти ва дипломатия университети)

2. Фалсафа ва ҳаёт соҳасидаги қарашлар

Доцент Норматова Дилдора Эсоналиевна (Фарғона давлат университети)

3. Тарих саҳифаларидаги изланишлар

Исмаилов Ҳусанбой Маҳаммадқосим ўғли (Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси)

4. Социология ва политологиянинг жамиятимизда тутган ўрни

Доцент Уринбоев Хошимжон Бунатович (Наманган мухандислик-қурилиш институти)

5. Давлат бошқаруви

PhD Шакирова Шохида Юсуповна (Ўзбекистон Республикаси Вазирлар Маҳкамаси ҳузуридаги "Оила" илмий-амалий тадқиқот маркази)

6. Журналистика

Тошбоева Барнохон Одилжонова (Андижон давлат университети)

7. Филология фанларини ривожлантириш йўлидаги тадқиқотлар

Самигова Умида Хамидуллаевна (Тошкент вилоят халқ таълими ходимларини қайта тайёрлаш ва уларнинг малакасини ошириш ҳудудий маркази)



8.Адабиёт

PhD Абдумажидова Дилдора Рахматуллаевна (Тошкент Молия институти)

9.Иқтисодиётда инновацияларнинг тутган ўрни

Phd Вохидова Меҳри Хасанова (Тошкент давлат шарқшунослик институти)

10.Педагогика ва психология соҳаларидаги инновациялар

Турсунназарова Эльвира Тахировна (Навоий вилоят халқ таълими ходимларини қайта тайёрлаш ва уларнинг малакасини ошириш ҳудудий маркази)

11.Жисмоний тарбия ва спорт

Усмонова Дилфузахон Иброхимовна (Жисмоний тарбия ва спорт университети)

12.Маданият ва санъат соҳаларини ривожлантириш

Тоштемиров Отабек Абидович (Фарғона политехника институти)

13.Архитектура ва дизайн йўналиши ривожланиши

Бобохонов Олтибой Раҳмонович (Сурхандарё вилояти техника филиали)

14.Тасвирий санъат ва дизайн

Доцент Чариев Турсун Хуваевич (Ўзбекистон давлат консерваторияси)

15.Муסיқа ва ҳаёт

Доцент Чариев Турсун Хуваевич (Ўзбекистон давлат консерваторияси)

16.Техника ва технология соҳасидаги инновациялар

Доцент Нормирзаев Абдуқаюм Раҳимбердиевич (Наманган муҳандислик-қурилиш институти)

17.Физика-математика фанлари ютуқлари

Доцент Соҳадалиев Абдурашид Мамадалиевич (Наманган муҳандислик-технология институти)

18.Биомедицина ва амалиёт соҳасидаги илмий изланишлар

Т.ф.д., доцент Маматова Нодира Мухтаровна (Тошкент давлат стоматология институти)

19.Фармацевтика

Жалилов Фазлиддин Содиқович, фарм.ф.н., доцент, Тошкент фармацевтика институти, Дори воситаларини стандартлаштириш ва сифат менежменти кафедраси мудири

20.Ветеринария

Жалилов Фазлиддин Содиқович, фарм.ф.н., доцент, Тошкент фармацевтика институти, Дори воситаларини стандартлаштириш ва сифат менежменти кафедраси мудири

21.Кимё фанлари ютуқлари

Раҳмонова Доно Қаххоровна (Навоий вилояти табиий фанлар методисти)



22.Биология ва экология соҳасидаги инновациялар

Йўлдошев Лазиз Толибович (Бухоро давлат университети)

23.Агропроцессинг ривожланиш йўналишлари

Доцент Сувонов Боймурод Ўралович (Тошкент ирригация ва қишлоқ хўжалигини механизациялаш мухандислари институти)

24.Геология-минерология соҳасидаги инновациялар

Phd доцент Қаҳҳоров Ўктам Абдурахимович (Тошкент ирригация ва қишлоқ хўжалигини механизациялаш мухандислари институти)

25.География

Йўлдошев Лазиз Толибович (Бухоро давлат университети)

Тўпلامга киритилган тезислардаги маълумотларнинг хаққонийлиги ва иқтибосларнинг тўғрилигига муаллифлар масъулдир.

© Муаллифлар жамоаси

© Tadqiqot.uz

PageMaker\Верстка\Саҳифаловчи: Шахрам Файзиев

Контакт редакций научных журналов. tadqiqot.uz
ООО Tadqiqot, город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of tadqiqot.uz
Tadqiqot LLC The city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

ҲУҚУҚИЙ ТАДҚИҚОТЛАР ЙЎНАЛИШИ

1. Абдуқодиров Фарходжон Фахритдин ўғли ТАЛОНЧИЛИК УЧУН ЖАВОБГАРЛИКНИ ТАКОМИЛЛАШТИРИШ	7
2. Номозова Баҳоргул Исмоиловна ҚОНУНИЙЛИКНИ ТАЪМИНЛАШДА КОНСТИТУЦИЯНИНГ АҲАМИЯТИ, ҚОНУННИНГ УСТУВОРЛИГИ.	9
3. Chubayeva Ozodahon, Ismailova Lola Abdumajid qizi HUQUQIY FANLARNI O'QITISHDA INNAVATSION METODLARDAN FOYDALANISH. MASOFAVIY TA'LIMNING HUQUQIY FANLARNI RIVOJLANTIRISHDAGI O'RNI.....	12
4. Ботиров Ҳамид Ҳакимович ТАДБИРКОРЛИК СУБЪЕКТЛАРИ УЧУН РАҚОБАТ МУҲИТИНИ ЯХШИЛАШ МАСАЛАЛАРИ.....	14



ҲУҚУҚИЙ ТАДҚИҚОТЛАР ЙЎНАЛИШИ

ТАЛОНЧИЛИК УЧУН ЖАВОБГАРЛИКНИ ТАКОМИЛЛАШТИРИШ

Абдуқодиров Фарходжон Фаҳритдин ўғли
ИИВ Академияси Жиноят ва жиноят-ижроия
ҳуқуқи кафедраси ўқитувчиси
Телефон: +998903334414
E-mail: farrukhjon655@gmail.com

Аннотация: Мақолада талончиликнинг ижтимоий хавфлилик даражаси таҳлил қилинган. Шунингдек, талончилик ҳамда ҳаёт ёки соғлиқ учун хавфли бўлмаган зўрлик ишлатиб ёки шундай зўрлик ишлатиш билан кўрkitиб содир этилган талончилик жиноятларининг санкцияларини қилмишнинг ижтимоий хавфлилик даражасига мослаштириш юзасидан таклифлар ишлаб чиқилган.

Калит сўзлар: талончилик, санкция, озодликдан маҳрум қилиш, ижтимоий хавфлилик даражаси.

Ўзбекистон Республикаси Конституциясининг 53-моддасига мувофиқ мамлакат иқтисодиётининг негизини турли шаклдаги мулк ташкил этади. Мулк мутлоқ дахлсиз ҳисобланади ва давлат томонидан кўриқланади, унга нисбатан ҳар қандай тажовуз қонунга зид деб топилади.

Бугунги кунда давлатнинг мулкни муҳофаза қилиш функциясини жадаллаштириш йўлида, мулкий ҳуқуқларга қилинадиган ҳар қандай тажовузларнинг олдини олиш, унга қарши курашиш, ҳуқуқни қўллаш амалиётида ушбу соҳада учрайдиган муаммоларни аниқлаш, уларни ҳал этиш мақсадида бу борадаги жиноят қонунчилиги нормаларини тақомиллаштириш масалаларига алоҳида эътибор берилмоқда. Ўзбекистон Республикасининг амалдаги Жиноят кодексига ўзгалар мулкни талон-торож қилганлик учун жиноий жавобгарликни белгиловчи бир қатор жиноий ҳуқуқий нормалар мавжуд бўлиб, мазкур нормалар ўз ўрнида мулкий муносабатларни муҳофаза этилишга хизмат қилади.

Ўзбекистон Республикаси Жиноят кодексининг «Ўзгалар мулкни талон-торож қилиш» номли Х бобида ўзганинг мулкни турли усулларда талон-торож қилганлик учун жавобгарлик белгиланган.

Маълумки, ўзанинг мулкни очикдан-очик талон-торож қилиш талончилик ҳисобланади (ЖК 166-модда).

Ҳар қандай жиноят каби талончилик йўли билан талон-торож қилиш жиноятининг ижтимоий хавфлилиги қонун билан кўриқланадиган ижтимоий муносабатларга тажовуз қилишда намоён бўлади. Талончилик натижасида ўзгалар мулкига тажовуз қилинади. Ўзбекистон Республикасининг «Мулкчилик тўғрисида»ги қонунида мулкдор ўзига қарашли мол-мулкка эгалик қилиш, ундан фойдаланиш ва уни тасарруф қилиш ҳуқуқини бошқа шахсларга беришга фақат ўзи ҳақлидир. Мулкдор фақат қонунда назарда тутилган ҳолларда ва тартибдагина мулкдан маҳрум бўлиши мумкинлиги белгиланган[1]. Ушбу қоида ўзгалар мулки қай даражада ижтимоий-иқтисодий аҳамиятга эгалигидан далолат беради.

Юридик адабиётларда талончиликнинг ижтимоий хавфлилигига оид бир қанча фикрлар билдирилган, жумладан, М.Х.Рустамбаевнинг фикрича талончиликнинг ижтимоий хавфлилиги шундан иборатки, бунда мулкка тажовуз очик ва жиноятчининг ўта сурбетлиги, шу билан бирга ўрнатилган тартибни, ҳуқуқий ва ахлоқий қоидаларни ва жамият қадриятларини менсимаслик билан амалга оширилади[257 б. 2].

П. Бакунов, М. Усмоналиевларнинг фикрига кўра талончилик жинояти мулк эгасининг ёки учинчи бошқа ҳар қандай шахснинг кўзи олдида содир қилинганлиги учун ҳам ижти-



мой хавфлилик даражаси анча юқори бўлиб, шундай жиноятни содир қилган киши шахсининг анча чуқур тубанлашганлигини ҳамда жабрланувчининг ёки учинчи бир шахснинг кўзи олдида очикдан - очик ўзганинг мулкани эгаллаб олишга журъат қилинганлиги, субъект шахсининг анча чуқур бузилганлигани кўрсатади[17 б. 3].

Бу борада ҳуқуқшунос олим Р. Кабулов, талончиликнинг ижтимоий хавфлилиги қилмишнинг очикдан-очик содир этилиш усулида намоён бўлишини таъкидлаган, бунда қонунчилик талон-торож қилинган мулкнинг миқдоридан қатъий назар, талон-торожнинг бошқа шакллари (ўғрилиқ, ўзлаштириш, растрата, фирибгарлик)дан фарқли ўлароқ, айбдорнинг ҳаракатлари МЖТКнинг 61-моддаси билан эмас балки ЖКнинг 166-моддаси билан жиноий жавобгарликка тортилади.

Таҳлиллардан кўришимиз мумкинки, баъзи олимлар талончиликнинг ижтимоий хавфлилиги борасида унинг очикдан-очик содир этилишига урғу беришган бўлса, баъзилари мазкур жиноятнинг ижтимоий хавфлилигини талон-торожнинг бошқа шакллари билан таққослаб, талончилик учун маъмурий жазо белгиланмаганлиги билан изоҳлашган.

Демак, талончиликнинг ижтимоий хавфлилиги унинг очикдан-очик содир этилишида, яъни талончи жабрланувчи, мулкка эгалик қилаётган ёки уни кўриқлаётган шахсларнинг эркига хилоф равишда, талон-торожни англаб турган бошқа шахсларнинг фикрини назар-писанд қилмасдан, ўзининг кўполлигини намоён этиб, аксарият ҳолларда қаршилиқ кўрсатишга шайлигида кўринади.

Амалдаги жиноят қонунига кўра, айрим жиноятлар учун белгиланган санкция ЖК 15-моддаси қоидаларига мувофиқ тузилмаган, яъни жиноятларнинг таснифи аралашиб кетган, бу эса, амалда жазо тайинлашда муаммоларни вужудга келтиради.

Зеро, Ўзбекистон Республикасининг Жиноят ва жиноят-процессуал қонунчилигини такомиллаштириш концепциясида белгиланган «жиноий жазоларнинг санкцияларини жиноятларнинг ижтимоий хавфлилик даражаси ва характери билан қатъий мувофиқлаштириш» [10] вазифаси белгиланган.

Мазкур устувор вазифадан келиб чиқиб, ЖК 166-моддаси 1-қисмининг санкциясида ҳам, шу модданинг 2-қисми санкциясида ушбу жиноятлар учун тайинланиши мумкин бўлган озодликдан маҳрум қилиш жазосининг энг кўп муддати «беш йил» этиб белгиланган. Бу эса, ЖК 166-моддаси 1- ва 2 - қисмларидаги жиноятларни унча оғир бўлмаган жиноятлар деб таснифлашни тақозо этади.

Ҳолбуки, зўрлик ишлатмасдан содир этилган талончиликнинг ижтимоий хавфлилик даражаси, ҳаёт ёки соғлиқ учун хавfli бўлмаган зўрлик ишлатиб содир этилган талончиликка нисбатан пастдир.

Юқоридагиларга асосан, ЖК 166-моддаси (талончилик) биринчи қисмининг санкциясидаги “беш йилгача озодликдан маҳрум қилиш билан жазоланади” деган сўз “уч йилгача озодликдан маҳрум қилиш билан жазоланади” деган сўз билан алмаштирилиши лозим. Янги таҳрирдаги санкция жазони енгиллаштиради ва айб учун одилона жазо берилишини таъминлайди.

Фойдаланилган адабиётлар рўйхати:

1. Ўзбекистон Республикасининг «Ўзбекистон Республикасида мулкчилик тўғрисидаги қонуни». <https://www.lex.uz/acts/111466> (муроҷжат этилган сана: 20.08.2020)
2. Рустамбоев М.Х. Ўзбекистон Республикаси Жиноят кодексига шарҳлар. Махсус қисм. – Тошкент, 2006. – 960 б.
3. М.Усмоналиев, П.Бакунов. Талончилик учун жавобгарликни либераллаштириш муаммолари. Ўқув қўлланма.–Тошкент, 2005 – 52 б.
4. Ўзбекистон Республикаси Президентининг 2018 йил 14 майдаги жиноят ва жиноят-процессуал қонунчилиги тизимини тубдан такомиллаштириш чора-тадбирлари тўғрисида»ги ПҚ-3723-сон Қарори // URL: <http://www.lex.uz> (Электрон манбаага мурожаат қилинган вақт: 05.05.2020й).



ҚОНУНИЙЛИКНИ ТАЪМИНЛАШДА КОНСТИТУЦИЯНИНГ АҲАМИЯТИ, ҚОНУННИНГ УСТУВОРЛИГИ.

*Номозова Баҳоргул Исмоиловна
Қашқадарё вилояти юридик коллежи
“Мутахассислик фанлари кафедраси” мудири,
1тоифали ўқитувчи, Здаражали юрист
Электрон манзил: afton.inbox.uz
Телефон: 99891-465-54-43*

Аннотация: Қонунийликни таъминлашда Конституциянинг аҳамияти, қонуннинг устуворлиги, қонунийлик принципи ҳақидаги маълумотлар тушунтирилади.

Калит сўзлар: Конституциявий қонунийлик, қатъий ҳуқуқий тартибот, ҳуқуқий давлатчилик, қонунийлик принципи, қонун устуворлиги.

“Халқимиз азалдан юксак қадрлаб келадиган, ҳамма нарсадан устун қўядиган адолат туйғусини ҳаётимизда янада кенг қарор топтиришни биз биринчи даражали вазифамиз, деб ҳисоблаймиз”.

*Ўзбекистон Республикаси
Президенти Ш. Мирзиёев*

Адолатли, демократик жамият ва ҳуқуқий давлат барпо этиш жараёнида қонун устуворлиги ва қонунийлик муҳитини яратиш долзарб аҳамият касб этади. Зеро, мустақкам қонунийлик, қатъий ҳуқуқий тартибот ҳуқуқий давлатчиликнинг моҳиятини ташкил этади. Ўзбекистон Республикаси Конституциясининг 14-моддасида мустақкамланган қоидага мувофиқ «Давлат ўз фаолиятини инсон ва жамият фаровонлигини кўзлаб, ижтимоий адолат ва қонунийлик принциплари амалга оширади». Унда адолат билан қонунийлик ғоялари ёнма-ён, уйғун ҳолда эътироф этилади.

Демократик тарзда уюштирилган жамиятда қонун адолат ва тафаккур ифодаси бўлмоғи лозим. Инсоният асрлар мобайнида адолатли қонунлар ҳақида орзу қилиб, уларга муқаддас ҳақиқат рамзи сифатида эътикод қилиб келган.

Қонунийлик принципи «қонун устуворлиги» принциpidан кенгрок тушунча бўлиб, у қонун устуворлигини таъминлаш масалаларини ҳам ўз ичига олади. Қонунийлик деганда, нафақат қонунларга мувофиқ иш тутиш, балки барча қонунлар ва бошқа норматив-ҳуқуқий ҳужжатлар талабларига риоя этиш, уларни бажариш тушунилади. Ҳуқуқ - ҳақиқат ва адолат ифодаси деган концепциядан келиб чиқилганда, ҳуқуққа мувофиқлик айни қонунийлик демакдир.

Ҳуқуқ устунлиги-бу ижтимоий муносабатларни инсоннинг табиий ҳуқуқлари нуқтайи назаридан, ҳақиқат ва адолат мезонлари асосида тартибга солинишининг юксак даражасидир.

Қонуннинг олийлиги хусусида гап борганда, аввало, давлатнинг шох қонуни ҳисобланган Конституциянинг олийлигини, устуворлигини таъминлаш муҳимлигини эътироф этиш лозим. Конституция мамлакат ҳуқуқий тизимининг пойдеворидир. У - халқимизнинг давлат донишмандлиги ва сиёсий-ҳуқуқий тажрибаси самараси тарзида яратилган.

Конституция ва қонунлар ҳар бир фуқаро учун, ҳар бир ҳуқуқ соҳиби учун энг олий қадрият, мўтабар ва муқаддас бўлмоғи лозим. Бироқ бунинг учун Конституция ва қонунларнинг ўзи ниҳоятда адолатли, инсонпарвар, демократик ва оқилона бўлиши, жамиятнинг етилган эҳтиёжларига ҳамда давр талабларига мос келиши лозим. Бу маданияти юксак тараққий этган мамлакатнинг қатъий қоидасидир.

Қонун - жамият ҳуқуқий тизимининг энг муҳим таркибий қисми, ҳуқуқни ифода этишнинг олий шаклидир. Қонун олий юридик кучга эга. Қонуннинг ушбу хусусияти қуйидагиларда намоён бўлади:

- биринчидан, қонунни уни қабул қилган олий вакиллик органидан бошқа ҳеч ким ўзгартира олмайди, бекор қила олмайди ёки янгисини ўрната олмайди;
- иккинчидан, бошқа барча норматив-ҳуқуқий ҳужжатлар қонунга қатъий мувофиқ ҳолда қабул қилинади ва амалга оширилади;



- учинчидан, бирон-бир қонуности норматив-ҳуқуқий ҳужжат қонунга зид бўлса, у қонунга мувофиқ ҳолга келтирилади ёки бекор қилинади;
- тўртинчидан, қонун олий юридик кучга эга бўлган ҳужжат бўлганлиги сабабли уни қабул қилган органдан бошқа ҳеч ким қўшимча тасдиқлаши ва бекор қилиши мумкин эмас.

З.М. Исломовнинг фикрича, «қонунийлик - ижтимоий ҳаётда ҳуқуқ ва қонун ҳукмронлигидан, ижтимоий муносабатларнинг барча иштирокчилари томонидан ҳуқуқий нормалар кўрсатмаларини оғишмай амалга ошириш, жамиятда тартиб ва уюшқоқликни таъминлашдан иборат ижтимоий-сиёсий режимдир»¹.

Қонунийлик ҳуқуқнинг мавжудлиги, жамиятда чинакам адолатли ва демократик муҳит ва ҳуқуқий тартибнинг ўрнатилганлигидан далолат беради. Демократик давлатда қонунийлик барчанинг қонун олдида тенглигини англатади. Барча тенг мажбурият олади ва қонунийлик бузилганда тенг жавобгарликка тортилади.

Мамлакатимизда Конституцияга амал қилиш мажбурияти конституциявий қонунчилик даражасида мустаҳкамланган. Ўзбекистон Республикасида Конституция ва қонунларнинг устунлиги сўзсиз тан олинади. Давлат, унинг органлари, мансабдор шахслар, жамоат бирлашмалари, фуқаролар Конституция ва қонунларга мувофиқ иш кўрадилар.

Конституциявий қонунчилик нормаларининг амалга оширилиши иқтисодий, сиёсий, ғоявий ва юридик кафолатлар тизими билан таъминланади.

Конституциявий қонунийлик деганда мамлакат Конституцияси ва конституциявий қонунларига барча субъектлар томонидан сўзсиз ва оғишмай риоя этилиши, уларнинг талаби қатъий ҳамда аниқ бажарилиши тушунилади.

Ўзбекистон Республикаси Президенти Ш. Мирзиёев Конституциямизнинг 25 йиллигига бағишланган маърузасида шундай деди: «Конституция ва қонун устуворлиги ҳамда қонунийлик тамойилларининг сўзсиз таъминланиши инсон ҳуқуқ ва эркинликларини ҳимоя қилишнинг муҳим кафолатидир... Шу нуқтайи назардан, Конституция ҳамда қонун талабларига оғишмай амал қилиш маънавий савиямиз, маданиятимизнинг асосий мезонига айланиши шарт»¹.

Конституциямиз Асосий қонун сифатида, барча қонунларнинг, ҳуқуқий тизимнинг ўзагидир. Ухалқ манфаатини ифода қилади, халқ ҳокимиятчилигини таъминлайди. Унда халқнинг асосий иродаси ва интилиши ҳар томонлама ўз ифодасини топган. Оммавий ахборот воситаларида Конституциянинг мазмуни, моҳияти, жамият ҳаётида тутган ўрни, инсон ва фуқароларнинг ҳуқуқ ва эркинликларини таъминлашдаги аҳамиятини ёритиш кенг ўрин эгаллади.

Шундай қилиб, Конституция жамият ҳаётида қонунийликка риоя этилишининг негизи ҳисобланади. Фуқароларнинг умумий маданий савияси, давлат аппарати хизматчиларининг ҳуқуқий билим даражасининг юксаклиги, Конституцияни ўрганиш, унда мужассамланган ғоя ва талабларни аҳоли, айниқса, ёшлар онгига сингдириш қонунийликни таъминлашнинг муҳим омилдир.

Ҳуқуқни билиш ва англаш ҳуқуқий тарбияни тўғри йўлга қўйиш учун қуйидаги топшириқлар берилиши мумкин. Ҳуқуқий саводхонлик дастлаб конституциявий қоидаларни ўрганишдан бошланади.

Ақлий ҳужум усули

Конституциянинг бирорта қоидаси Ўзбекистон Республикаси ҳуқуқ ва манфаатларига зарар етказадиган тарзда талқин этилиши, бирорта ҳам қонун ёки бошқа норматив-ҳуқуқий ҳужжат Конституция нормаларига ва қоидаларига зид келиши мумкин эмас (15-16-моддалар). Қонунийликнинг белгиларидан бири бўлган барча ҳуқуқ субъектлари учун қонун талабларининг истисносиз мажбурийлигини жамиятдаги демократик тенг ҳуқуқчилик принциpidан ажратиб бўлмайди. Қонун ҳамма учун жорий қилинади. Қонун олдида ҳамма тенг. Қонунни бажармаганлик ёки бузганлик учун ким бўлишидан қатъи назар, жавобгарликка тортилади ва бунинг учун у асос ҳисобланади.

¹ Islomov Z.M. Davlat va huquq nazariyasi. - T., 2007. - 855-bet.



Б/Б/Б усули.

Б/Б/Б техникасининг қодалари:

1. «Инсерт» техникасидан фойдаланиб матинни ўқиб чиқинг.
2. Олинган маълумотни тизимлаштиринг –матнда белгиланганларни мос келадиган “устунларга”жойлаштиринг. **Б/Б/Б (Биламан/Билишни истайман/Билдим) жадвали**

Биламан	Билишни истайман	Билдим

Тушунчалар таҳлили жадвалини тўлдириб келиш.

Тушунчалар	Мазмуни
	?
	?
	?
	?
	?
	?
	?
Тушунчалар	Мазмуни
	Хуқуқ
	Конституция Асосий қонун
	Қонун
	Қонун устуворлиги
	Хуқуқ устунлиги
	Фуқаро

Фойдаланилган адабиётлар.

1. Ўзбекистон Республикасининг Конституцияси.-Т.Ўзбекистон 2018.
2. Мирзиёев Ш.М. Конституция – эркин ва фаровон ҳаётимиз,мамлакатимизни янада тараққий эттиришнинг мустаҳкам пойдеворидир. Ўзбекистон Республикаси Конституцияси қабул қилинганининг 25 йиллигига бағишланган тантанали маросимдаги маърузаси // Халқ сўзи. 2017 йил 8 декабрь.
3. Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисидаги Ўзбекистон Республикаси президентининг фармони.Т. Ўзбекистон 2020.30.04
4. ОдилқориевХ.Давлат ва ҳуқуқ назарияси.Дарслик.– Т.: Адолат,2018.
5. Islomov Z.M. Davlat va huquq nazariyasi. - Т., 2007. - 855-bet.



HUQUQIY FANLARNI O'QITISHDA INNAVATSION METODLARDAN FOYDALANISH. MASOFAVIY TA'LIMNING HUQUQIY FANLARNI RIVOJLANTIRISHDAGI O'RNI

Ilmiy rahbar:
Dotsent Chubayeva Ozodahon
Namangan davlat universiteti

Ismailova Lola Abdumajid qizi
Namangan davlat universiteti Ijtimoiy Iqtisodiy fakulteti
Milliy g'oya yo'nalishi II-bosqich talabasi
Tel 99 497 78 99

Annotatsiya: Ushbu maqolada huquqiy fanlarni o'qitishda innovatsion ta'lim metodlaridan foydalanish, masofaviy ta'lim sharoitida huquqiy fanlar o'qitish tizimini takomillashtirish haqida fikr boradi.

Kalit so'zlar: Masofaviy ta'lim, Internet konferensiyalar ta'lim metodi, Quizbot, vebinar, zoom.

So'nggi yillarda mamlakatda o'quv-pedagogik jarayonga innovatsion ilg'or va xalqaro ta'lim standartlarini joriy etish, kadrlar salohiyatini oshirish va professor-o'qituvchilar mehnatini rag'batlantirish, shuningdek ta'lim muassasalarining moddiy-texnik bazasini mustahkamlashni nazarda tutadigan yuridik ta'lim tizimini takomillashtirish bo'yicha bir qator aniq chora-tadbirlar amalga oshirildi.

Shu bilan birga, milliy yuridik ta'limning samaradorligi nisbatan pastligicha qolmoqda, bu yuqori malakali mutaxassis-huquqshunoslarni tayyorlash va mamlakatda yuridik fanni rivojlantirishga to'sqinlik qilayotgan qator tizimli muammo va kamchiliklar mavjudligi bilan izohlanadi.

Yuridik kadrlarni tayyorlash sohasida raqobatning mavjud emasligi milliy yurisprudensiya ilmiy maktabining shakllanishiga salbiy ta'sir ko'rsatmoqda, shuningdek, hududlardagi iqtidorli yoshlar uchun teng ta'lim olish imkoniyatlarini cheklamoqda.

Huquq sohasidagi ilmiy tadqiqotlar natijalarini amaliy jihatdan joriy etish, o'qitishning ilg'or uslublaridan keng foydalanish, shuningdek, zamonaviy talablarni inobatga olgan holda ta'lim standartlarini modernizatsiyalash va o'quv dasturlarini qayta ko'rib chiqishga yetarli e'tibor berilmayapti, bu esa yuridik ta'lim sifati va ilmiy salohiyatning pasayishiga olib kelmoqda.

Quyidagilar yuridik ta'lim va fanni yanada rivojlantirishning ustuvor yo'nalishlari etib belgilansin:

-zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash;

-o'qitishning kredit-modul tizimini va talabalar bilimni baholash usullarini takomillashtirish, o'quv jarayonida zamonaviy axborot-kommunikatsiya texnologiyalarini keng qo'llash hamda o'quv bazasini modernizatsiyalash;

-klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash;

-rivojlangan xorijiy davlatlarning yetakchi ta'lim va ilmiy muassasalari bilan hamkorlikni, qo'shma huquqiy tadqiqotlarni, professor-o'qituvchilar va talabalar o'zaro almashinuvini faollashtirish;

-axborot huquqiy texnologiyalar va tizimlarni (Legal Tech) ishlab chiqqan holda davlat va huquq sohasida ilmiy va innovatsion tadqiqotlarni o'tkazish;

-xorijiy hamkorlar bilan birgalikda yuridik kadrlarni tayyorlash bo'yicha qo'shma ta'lim dasturlarini (double degree) amalga oshirish, o'quv-ta'lim jarayoniga xorijiy olimlar va mutaxassislarni faol jalb qilish;

“Elektron universitet” (E-University) tizimini joriy etgan holda ochiq, shaffof, subyektivlik va suiiste'molchiliklardan xoli bo'lgan ta'lim muhitini yaratish^[1].

Bugun huquqiy fanlar tizimini yuksaltirishda ham bir qator ishlar olib borilmoqda. Bugungi kunda axborot kommunikatsion texnologiyalari shiddat bilan rivojlanmoqda. Pandemiya tufayli butun dunyoda ko'pgina jabhalar yangi bosqichga o'tmoqda.

Xususan, maorif tizimi ham bugun butun dunyoda yangicha ko'rinish kasb etmoqda va bugun hayotimizga masofaviy ta'lim tushunchasi kirib kelmoqda. Bundan bir asrlacha ilgari Qo'shma



Shtatlarda bu tizimga asos solingan edi. XX asrning boshlarida AQSH davlatida masovafiy ta'limda pochta tarmog'i muhim ahamiyat kasb etgan. Oliy o'quv yurtlari tomonidan talabalarga topshiriq yoki materiallar pochta orqali jo'natilgan talaba ham, o'z navbatida bu topshiriqlarga javobni qaytib yana pochta orqali jo'natgan. Bu masovafiy ta'limning ilk ko'rinishi edi.

Bugun O'zbekistonda ham masovafiy ta'lim jadallik bilan rivojlanmoqda statistik ma'lumotlarga ko'ra bugun yurtimizda 22 million internet foydalanuvchilari mavjud va ularning qariyb 60% yoshlar hisobiga to'g'ri keladi.

Zamonaviy ta'lim texnologiyalarini qo'llashda xususan, Huquq fanini o'qitishda ham innovatsion axborot texnologiyalarini qo'llash ham o'qitishda katta natija kasb etadi. Jumladan, bugun ko'plab ijtimoiy tarmoqlarda masovafiy ta'limda qulayliklar yaratilib kelinmoqda. Xususan telegram tarmog'ida yaratilgan Quizbot degan bot ham bunga yorqin misol bo'la oladi.

Quizbot ishlatilishi uchun u ishlatmoqchi bo'lgan guruhingiz a'zosi yoi admini bo'lishi kerak u o'zi a'zo bo'lgan guruhga test yubora oladi va test ishtirokchilarining o'rnini belgilaydi. Botning afzalligi shundaki u orqali barcha fanlardan test tuzish va tuzgan testingizni ulasha olasiz. Bu tizim maktab o'qituvchilari va o'quvchilari orasida huquqiy savodxonlikni oshirishga olib keladi. Chunki bu orqali quiz testlarni tuzish ularni yoshlar o'rtasida targ'ib qilish orqali fanda ko'zlangan maqsadga erishishi mumkin bo'ladi.

Bundan tashqari fan o'qituvchilari tomonidan tayyorlangan metodlar ham yaxshi samara beradi. Ijtimoiy tarmoqlarning ahamiyatli tomoni shundaki, ularda tarqatilayotgan materiallar tez tarqaladi va ular o'z obunachilarini yig'a olsa, sifatli va foydalanuvchini qiziqтира olsa o'quvchilarni kunlik savollar bilan qamrab olishlik orqalinatijaga erishiladi. Bundan tashqari Telegram orqali fanni o'qitishning turli metodlarda har xil onlayn tadbirlar, musobaqalar tashkil qilsa bo'ladi. Bunday o'qitish metodining yutuq tomoni shundaki, o'quvchilar qiziqishiga qarab darsdan tashqari ham doimiy ravishda qo'shimcha ta'lim olishlari mumkin. Va darsdan tashqari bo'sh vaqtlarini to'g'ri taskil qilishi va o'quvchilar har xil ijtimoiy tarmoqlarda keraksiz narsalarga vaqtlarini kamaytirib ko'proq kerakli narsalarni o'rganishlari ehtimolligi ortadi.

Bugun yana bir onlayn online ta'limni rivojlantirishga qaratilgan platformalardan bir Zoom platformasi hisoblanadi. Bu platforma orqali masofadan turib konfrensiya qilish imkoniyati yaratildi. Buning huquq fanida ko'zga ko'ringan ustozlar va jamiyatning shu sohada ko'zga ko'ringan kishilari bilan onlayn muloqot qilish imkoniyatini yaratadi. Bu orqali o'quvchilarni huquqiy fanlarga bo'lgan qiziqishi yanada ortib boradi.

Vebinar metodi – zamonaviy axborot-kommunikatsiya texnologiyalari (kompyuter, monitor, multimedia va shu kabi vositalar) yordamida turli joylardagi ishtirokchilar bilan masofadan turib o'tkaziladigan interfaol mashg'ulot turi. Vebinar metodi yoki "Webinar" texnologiya tushunchasi muloqotga 1998 yilda kirib keldi.^[2]

Vebinar metodida dars masovafiy seminar yoki konferentsiya shaklida Internet orqali bir vaqtda hozir bo'lgan talabalar bilan masovafiy ta'lim tizimida qo'llanayotgan ko'plab interfaol audio video aloqa vositalari yordamida jonli olib boriladi. Bu darslarni kelgusida kerak darajada foydalanish uchun yozib olish mumkin. Bu metodda olib boriladigan butun o'quv yoki kurs jarayonidagi darslar yagona o'quv dasturidagi izchillikda o'zaro uzviy bog'lanmaydi, ular alohida-alohida bir martalik darslardan iborat bo'ladi. Vebinar orqalik ham o'qituvchilar huquq fani bo'yicha turli mavzularda o'quvchilarni qiziqtirgan savollarga javob berishlari mumkin.^[3]

Xulosa o'rnida shuni aytish mumkinki, ta'lim sohasida o'qitishda, xususan, barcha fanlar qatori huquqiy fanlar yo'nalishida ham innovatsion metodlardan foydalanish muhim ahamiyat kasb etadi. Sohaning o'ziga yarasha afzallik va kamchiliklari bor. Jumladan:

- a) Mavjud internet tarmoqlarini qayta rekonstruksiya qilish
- b) Davlatda huquqiy fanlarga ixtisoslashtirilgan va foydalanishga qulay huquqiy yaxlit platforma shakllantirish
- c) Internet narxlarini arzonlashtirish

Bu sohaning yutuqlari esa turli masovafiy huquqiy online konfrensiyalar orqali yoshlarning internetdan foydalanishlarini to'g'ri shakllantirib, fanni rivojlanishini yangi bosqichga olib chiqishligi mumkin bo'ladi.

Foydalanilgan adabiyotlar

1. O'zbekiston Respublikasi Prezidenti Sh. MIRZIYOYEV Toshkent sh., 2020-yil 29-aprel, PF-5987-son

2. O.U.Avlayev, S.N. Jo'rayeva, S.P.Mirzayeva "Ta'lim metodlari" o'quv-uslubiy qo'llanma, "Navro'z" nashriyoti, Toshkent – 2017

3. <https://shuhratbek.uz/masovafiy-talim-metodlari>



ТАДБИРКОРЛИК СУБЪЕКТЛАРИ УЧУН РАҚОБАТ МУҲИТИНИ ЯХШИЛАШ МАСАЛАЛАРИ

*“Business lawyer group”
Адвокатлик фирмаси ходими
Ботиров Ҳамид Ҳакимович*

Бугунги кунда бозорларда монополияни босқичма-босқич камайтириб бориш орқали рақобат муҳитини ривожлантириш мақсадида республикамиз иқтисодиётда давлат иштирокини кескин қисқартириш, нархларни ортиқча тартибга солишдан воз кечиш, назорат қилиш ва давлатнинг иқтисодиётга таъсирини камайтиришга қаратилган бир қанча ишлар амалга оширилмоқда.

Бироқ шунга қарамасдан ҳали бажарилиши лозим бўлган бир нечта вазифаларни амалга ошириш зарур. Хусусан, давлат иштирокидаги хўжалик юритувчи субъектлар монополиясининг иқтисодиёт рақобатбардошлигига салбий таъсирини янада камайтириш, имтиёз ва преференциялар бериш тизими самарадорлигини ошириш, шунингдек тадбиркорлик субъектларига нисбатан тартибга солиш юқини пасайтириш бўйича кечиктириб бўлмайдиган вазифалар турибди.

Ушбу вазифаларни самарали бажариш мақсадида Ўзбекистон Республикаси Президентининг 2020 йил 6 июлдаги “Рақобат муҳитини янада ривожлантириш ва иқтисодиётдаги давлат иштирокини қисқартириш бўйича қўшимча чора-тадбирлар тўғрисида”ги ПФ-6019-сон Фармони қабул қилинди.

Мазкур фармон билан бир нечта вазифалар белгиланди. Бунда Ўзбекистон Республикаси Монополияга қарши курашиш қўмитаси ўз фаолиятида Ўзбекистон Республикаси Олий Мажлиси Сенати ва Ўзбекистон Республикаси Президентига ҳисобдорлиги белгиланди.

Шу билан бирга Монополияга қарши курашиш қўмитасига қуйидаги вазифаларни амалга оширишда бевосита Ўзбекистон Республикаси Президентига мунтазам равишда ахборот киритиб боради:

- имтиёзлар, преференциялар ва фаолиятни амалга ошириш учун эксклюзив ҳуқуқлар шаклида кўрсатилаётган давлат кўмагининг самарадорлиги устидан давлат назоратини амалга ошириш ҳамда улар рақобат муҳитига салбий таъсир этган тақдирда, уларни бекор қилиш бўйича таклифлар киритиш;

Молия вазирлиги билан биргаликда давлат харидлари тўғрисидаги қонун ҳужжатларига риоя этилиши ҳамда алоҳида тартиб ўрнатилган стратегик аҳамиятга эга хўжалик жамиятлари ва корхоналарнинг харидлари устидан давлат назоратини олиб бориш;

- давлат органларининг рақобат тўғрисидаги қонун ҳужжатлари талабларини бузувчи қарорларини бекор қилиш ва уларнинг мансабдор шахсларига нисбатан чора қўллаш бўйича таклифлар киритиш;

- «картель» келишувлари ва тил бириктиришларни ҳуқуқни муҳофаза қилувчи органлар билан ҳамкорликда аниқлаш ва уларга чек қўйиш;

- давлат иштирокидаги хўжалик юритувчи субъектларнинг ташкил этилиши устидан назоратни амалга ошириш.

Қўмита Вазирлар Маҳкамасининг Макроиктисодий таҳлил, таркибий ўзгартиришлар, молия-банк тизими, давлат активларини бошқариш, рақобатни ривожлантириш, тадбиркорликни қўллаб-қувватлаш ва камбағалликни қисқартириш масалалари котибияти билан монополияга қарши курашиш соҳасида чора-тадбирлар ва сиёсат уйғунлигини, эркин ва рақобатбардош бозорни яратиш билан боғлиқ ислохотларни амалга оширишда ҳамда давлат харидлари, давлат активларини сотиш жараёнида рақобат муҳитини таъминлашда бирга ҳамкорлик қилади.

Шу билан бирга Қўмита Иқтисодий тараққиёт ва камбағалликни қисқартириш вазирлиги билан мамлакат иқтисодиётида ва ҳудудларда рақобат муҳитини яхшилаш, рақобат соҳасидаги институционал ислохотларни амалга оширишда ўзаро мувофиқлаштирилган ҳаракатларни биргаликда амалга оширади.

Тадбиркорлик субъектлари учун рақобат муҳитини яхшилаш учун халқаро тажрибани ўрганиш асосида хўжалик юритиш функцияларни бажарадиган айрим соҳалар хусусий секторга ўтказилади ва ҳар бир ҳудуд кесимида 2020 - 2024 йилларга мўлжаллаган



дастурларни тайёрланади. Бунда:

- дастлабки навбатда сертификатлаштириш, қиёсловдан ўтказиш, қурилишда техник назоратни амалга ошириш, кадастр хужжатларини ишлаб чиқиш хизматлари бозорларига босқичма-босқич хусусий секторларга ўтказилади;
- хусусий секторлар хизмат кўрсатаётган соҳаларни давлат томонидан амалга оширмасликни назарда тутувчи тартиблар жорий этилади;
- давлат корхоналари, давлат иштирокидаги йирик хўжалик жамиятлари ва табиий монополия субъектлари бўлган аффилиланган корхоналар сони камайтирилади;
- табиий монополия тармоқлари билан турдош бозорларда рақобат шарт-шароитлари таъминланади.

Бундан ташқари рақобат муҳитини янада ривожлантириш мақсадида давлат харидлари, тендерларни амалга оширишда ва белгиланган ресурсларни тақсимлашда шаффофликни таъминлаш орқали бозор механизмларини такомиллаштирилади. Бунда:

- давлат буюртмачиси билан аффилиланган хўжалик юритувчи субъект давлат харидларини бажаришга талабгор сифатида харид тартиб-таомиллари ва энг яхши таклифларни саралаб олишда иштирок этишига тақиқ киритилади;
- давлат харидларини амалга оширувчи иштирокчилар томонидан бенифициарларни мажбурий очиклаш тартиби жорий этилади;
- давлат харидлари, давлат активлари ва ресурсларини тўғридан-тўғри тақсимлаш амалиётини бекор қилиш назарда тутилади.

Ҳозирги кунда қонун нормаларимиз ҳам рақобат муҳитини янада шаклланиши ўзини салбий таъсирини кўрсатиб келмоқда. Айнан юқорида келтирилган фармонда «Табиий монополиялар тўғрисида» ва «Рақобат тўғрисида»ги Ўзбекистон Республикаси қонунлари нормаларини унификация қилиш асосий масалалардан бири бўлиб келмоқда. Савол туғулиши табиийки, қонунларни унификациялаш орқали маълум ечимга сабаб бўла оладими ёки фақатгина қонун хужжатларни камайтириш назарда тутилганми?

Бунинг жавоби сифатида рақобат муҳити нафақат иқтисодиёт секторларни қамраб олган, балки ижтимоий соҳаларда ҳам рақобат зарур муносабат ҳисобланади. Масалан тиббиёт ва таълимда рақобат муҳитини таъминлай олмасак, айна шу соҳаларни замон талаблари ва халқаро стандартларга жавоб берадиган соҳага айлантира олмаймиз. Чунки рақобат муҳити барча соҳаларга кириб бориши ва таъминланиши зарур.

Бунинг учун бизга ҳар бир соҳага рақобат муҳитини таъминлаш учун нормативлар қабул қилиш эмас, балки рақобат муносабатига оид барча нормативларни кодификациялаш зарур. Умумий тартибда Рақобат муҳити тўғрисида кодекс қабул қилиш мақсадга мувофиқ.

Хулоса ўрнида айтиш мумкинки, тадбиркорлик субъектлари учун рақобат муҳитини янада яхшилаш учун тадбиркорлар бажариши мумкин бўлган давлат тегишли айрим функцияларни хусусий секторга ўтказиш зарур. Бунинг учун хорижий тажрибани ўрганган ҳолда қонун хужжатларни қайта ишлаб чиқиш ҳамда ҳар бир ҳудуд кесимида истиқболли дастурларни тайёрлаш мақсадга мувофиқ бўлади.

**"ЎЗБЕКИСТОНДА ИЛМИЙ-АМАЛИЙ ТАДҚИҚОТЛАР"
МАВЗУСИДАГИ РЕСПУБЛИКА 20-КЎП ТАРМОҚЛИ
ИЛМИЙ МАСОФАВИЙ ОНЛАЙН КОНФЕРЕНЦИЯ
МАТЕРИАЛЛАРИ**

(1-қисм)

Масъул мухаррир: Файзиев Шохруд Фармонович
Мусахҳиҳ: Файзиев Фаррух Фармонович
Саҳифаловчи: Шахрам Файзиев

Эълон қилиш муддати: 30.09.2020

Контакт редакций научных журналов. tadqiqot.uz
ООО Tadqiqot, город Ташкент,
улица Амира Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of tadqiqot.uz
Tadqiqot LLC The city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000